






THE LIBRARY  
OF  
THE UNIVERSITY  
OF CALIFORNIA







BERKELEY  
LIBRARY  
UNIVERSITY OF  
CALIFORNIA



5563.9

8263

Opportunity



松南遺稿卷首

序

松南鄭公既歿之九年其從孫鳳煥君收拾遺文合爲一弓將付手民請余以玄晏之托余有病無文不敢當是役而其請亦不可孤也公諱明源晉陽華閼形貌端雅志氣恢廓不屑於居鄉產業而早業功令旣而幡然改曰男兒固當杖劍出世掃清天下腥塵安能從事於操觚弄墨之間哉乃投筆操弓登武科歷典內外職及其兵馬于南討捕于北治有異績歸後有去思碑噫天下之生久矣治亂無常見時象日



非無意進取投紱歸鄉卽入于牟陽清溪山中先墓  
下以畢餘生古所謂急流勇退者非公而誰觀於遺  
稿中入山序與不自欺文可知公之志操大畧也平  
生不喜著述而或遇時事慷慨處憂時病俗之心往  
往發於吟咏之間而皆平淡正順少無造飾態又不  
爲傳後計故若干所存散逸無傳而今此一寫書甚  
是寂寥也然隋珠荆璧愈寡愈珍而全鼎之味豈求  
於一齋之外哉世之徒尚著作連篇累牘而無補於  
實事者雖多奚以哉余以晚進於公恨無平素之承  
顏而豈料公歿後對公於卷墨之間乎始遂宿昔之



願而不禁興感之懷遂書此而歸之若夫公之平生  
行誼前人之述已悉不必贅說云爾 歲丙戌小春  
月上澣長興高禮鎮謹序

松南遺稿序



松南遺稿卷之一目錄

詩

讀大學有感

戒兒孫耕讀

登南山

謹題先祖文英公遠慕齋韻

謹次晉州宗中八孝一烈旌閭韻

謹次鄭觀察崇陽亭韻

六華亭原韻

附羣弟和韻五首

謹次敬慕齋韻

次朴君壽宴韻

謹次玄上舍

基奉

回甲韻

宿棗湖朴文玉家

謹次羅菊齋

鍾寬

韻

宿公州元金里永慕齋

次徐寢郎

源玉

何人亭韻

次族弟參奉

榮源

太湖亭韻

次舍弟進士

官源

龍塢亭韻

閔忠正

承煥

血竹吟



宿邊山開巖寺

到實相寺

到月明庵

到龍沼

到來蘇寺

出山宿鍾谷尹氏家

閒居

偶吟

送友乙京

姜寢郎

淵秀

輓章

到合湖亭

翌日端陽又吟

別姜巨山

遊佛甲寺

又到海佛庵

佛甲回路宿加五里丁南七家

六十一生朝感吟

姜議官輓章

逢宋礪巖

鍾哲吟

卜居清溪山中

謹次海宗殿韻

謹次紫泉臺韻

謹輓金同福

祺中

遊禪雲寺

庾洛史

九鉉

輓章

崔寢郎

銓九

輓章

次溪隱亭韻

賀曹欽齋

惠承

回甲韻

松南遺稿卷之二目錄

書



與舍弟明賢

官源書 三首

答上閔輔國

承煥書

與族弟士彥

炳源書

序

家乘譜序

族譜序

清溪社老契序

記

六華亭本記

月湖亭記



跋

醒晚遺稿跋

祭文

祭閔韓國

承煥

文

祭匹弟進士

官源

文

雜著

不自欺文

通諭文

松南遺稿附錄卷之一目錄

御製斥邪繪音

詩

謹次六華亭韻

二十一首

謹賀松南鄭公入山韻

九首

序

松南鄭公入山序

五

記

清溪洞記

六華亭重建記

祭文

祭松南鄭公文

七

輓章

家狀



松南遺稿目錄



松南遺稿卷之二

詩

讀大學有感

初看大學如吞棗書自其書吾自吾誠意一章尤切  
近始知於此用工夫

戒兒孫耕讀

居鄉事業有其二不耨則畝不學愚戇爾兒孫須勸  
勉人間莫作最庸夫

登南山

登臨先獻南山壽王業千年致太平三太平中生長

詩

老此身何以答昇平

謹題先祖文英公遠慕齋韻

在清州果桑山

經營丙舍始今年  
墨樹雕欄對翼然  
詩頌斯干咸落  
日星占營室  
運回天盤桓  
松栢巡邱外  
俎奠蘋蘩採  
澗邊子姓從茲  
無憾恨願將香火永相傳

謹次晉州宗中八孝一烈旌閭韻

八孝芳名耀海東  
矧伊一烈又參同  
三從矢決終天  
日萬古綱常警世風  
鄉黨咨嗟彝性重  
子孫繼述血  
心紅家聲於此終  
無愧幾度恩沾聖化中

謹次鄭觀察崇陽亭韻

在咸陽介坪里



亭賴斯翁不朽名崇陽扁額義何輕幸參廊廟酬恩  
渥晚退林泉愜志情講道惟開風化振戒心恒欲理  
倫明山川從此多精彩繼述家聲裕後生

六華亭原韻

四時春色六華新形則雖分同氣人既有其名兼寶  
行願無相學樂天真填篋共和枕衾席鴻鴈連飛南  
北鄰自愧此身居長伯晚年棲息頓忘塵

附羣弟和韻

第二弟進士官源

六華韓韓一亭新團合分形連氣人式好恒思均  
義務孔懷那忘體天真菜萸遍插開重宴荆樹生



輝照四鄰早謝 聖恩歸共老清溪白石絕紅塵

第三弟參奉聖源

登亭和氣自生新嗟我一根分六人枕被相同無  
彼此墳簾并唱養心真謝家寶樹縱難及田氏紫  
荆或可隣盡日清談倫理講却忘世外俗囂塵

第四弟參奉始源

春到亭欄和氣新人中棟是棟中人紛紜世事都  
歸夢湛樂倫情是養真自北自南來有信或先或  
後不孤隣兒孫隸業於斯足絃誦洋洋灑掃塵

第五弟主事忠源

白首天倫去益新有初願作有終人斯干詩上宴  
賓落常棣篇中尋道真一席埴篲昔叶韻同行鴻  
鴈不孤鄰願勿相分只願合弟勸兄酬忘世塵

第六弟叅奉和源

居末此身德未新六昆季裏少年人  
能傳服理倫重食必同床情話真  
桑梓連村先世蔭埴篲合席結芳隣  
不要相學要相好澹泊胸襟無一塵

謹次敬慕齋韻

在公州元金里

孤節危忠頌至今廟祠咫尺此齋臨清風不愧夷山  
屹明月猶懸魯海深痛盡一時那忍說綱常千古不



忘心白頭衰暮仰如斗他日膏車相好壽

次朴君壽筵韻

聞君湯餅在初度先得人間壽福名旨酒嘉肴開盛  
宴韶顏鶴髮更新情延年剩學鍊丹術善頌無非難  
老聲但願從今來歲月如川方至必分明

謹次玄上舍

基奉

回甲韻

再回花甲舊重陽更願天東昇日光達士名高懸北  
斗美人恩極望西方南昌後會杯盤大金谷難詩珠  
玉香肖子仁孫翻彩舞一家餘慶萬年長

宿棗湖朴文玉家

來此幾經秋青絲已白頭思古淚無盡至今情更留  
雲歸山色遠風動溪聲流曲曲夕陽路奚囊好景收

謹次羅菊齋

鍾寬韻

閣後愛人鮮克存春風不與衆芳根故家三逕名園  
內松老門前有菊孫

宿公州元金里永慕齋

相逢七十不期中和氣渾然太古風別席莫言前後  
事含情千里一心同

次徐寢郎

課玉

何人亭韻

數椽亭子迥臨流淑氣辛陽盡此頭水面儲深投客



林南道和卷之一  
韓藕絲擬待繫仙舟青山秀異多呈彩白首康寧不老秋濂翁去後何人又君子清香月滿洲

次族弟

榮源

太湖亭韻

有斯人後有斯亭地接合峯湖水青避俗方知塵念  
斥養閑始見道心醒庭松籬菊分三逕軒月窓風近  
一汀無事南中鄰共近悅親情話勝看

缺

次舍弟

官源

龍塢亭韻

龍飛棣塢小亭清蹢蹢松南自老成永夜偏深長枕  
夢看雲依聽仲篴聲六桀少一望鄉地數棟間三露

郡城若使來仍承世葺先天魄月後天生

閔忠正血竹吟

並小序

嗚呼猾夏之變何代無之而豈有如乙巳之  
變乎內而搢紳輔弼之臣外而草莽巖穴之  
士不勝忿鬱或有飲毒者又有自刎者矣閔  
輔國泳煥氏以喬木巨室不忍見宗社之傾  
覆上疏極諫而羣賊盈朝遮蔽天聰知其  
勢無奈何歎曰與其生爲讐人之役不若  
潔身以逝歸見先王於地下取刀自刎因以  
殉節其貞忠孤節可與日月而爭光可質神  
明而無疑也其血衣所藏處忽有叢竹數竿



托根於鮮血之中翠色猗猗勁節凜凜有若  
不犯底氣像而以其生於血中故名曰血竹  
是竹也清聖孤竹之竹歟園翁善竹之竹歟  
當時圖畫者或有寫真而傳播於世者亦可  
見秉彝之攸同也余以白首殘喘歸卧江湖  
萬念都灰而忽聞血竹之報不覺病聾自醒  
矣因記其實又繼以詩曰

商娥謾唱後庭花獨帶春光與洞家若論貞節葉惟  
少每思國恩枝亦多翠幹西山薇蕨矣血跡湘水  
淚痕何意哉中國有賢聖萬古忠魂如此耶

宿邊山開巖寺

離家數日間  
筇屐暫偷閒  
問仙何處在  
遙指蓬萊山  
到寶相寺

金佛幾千年  
蓬壺山一邊  
步步到勝地  
倦極猶難眠  
到月明庵

短筇上月明  
昇降身不輕  
收拾東風景  
青山似有情  
到龍沼

青山十里路  
石逕崎嶇險  
瀑布飛流急  
巖高數百尋  
到來蘇寺

纔到來蘇寺  
綠陰挾路深  
水山山景一  
邊大海臨



出山宿鍾谷尹氏家

黃鳥知我情東風求友鳴無奈主人挽於焉半日橫  
閒居

獨坐數間屋虛送好平生對書思往事抱琴暢鬱情  
偶吟

草色生朝日蟬聲多夕陽天朝何處在悵然遠望京  
送友之京 二首

漢陽物色夢依依與日彷徨涕淚揮繁華桃李公門  
盡今日送君幾日歸

潭水洋洋人影倒堤松立立鳥聲移許多人物繁華

地幾箇男兒得意時

謹輓姜寢郎

洲秀

童年相識老來親  
完福人間獨出倫  
處世經綸文酒  
樂傳家模範子孫仁

偶到合湖亭

二首

獨宿月明夜  
幽懷嘯又歌  
風前蚊勢弱  
雨後蟬聲多  
亭前繞大路  
松下一溪清  
雨歇低山色  
夜深近水聲  
翌日端陽又吟

一邊流水一邊山  
黃鳥時啼綠柳間  
良辰適值端陽  
日競渡楚江人不閒



別姜巨山

天秀

相逢三四老醉興夕陽多流水高山下滿亭明月何  
洛城數十載與子共登樓幾濕思君淚常多報  
國愁

遊佛甲寺

浪送百花春綠陰又夏新喚友黃鸝巧求仙白鶴真  
多年塵裏客今日景中人山名佛甲好入境渾無塵  
又到海佛菴

二首

兀然金佛幾千秋客杖如臨天上樓萬樹層巖無限  
景遙遙落照白雲頭

無邊大海眼前通老脚遲遲夕日紅下界茫茫塵念  
斷却疑羽化坐空中

佛甲回路宿加五里丁南七家

加五山中闢洞天一區形勝在斯邊主翁知我行裝  
困投轄強畱數日連

六十一生朝感吟

我生六十一今年樂在一邊懷一邊那堪無復誠親  
孝自愧不能報國賢花棚家裏獻衣襪蓬矢門前奏  
管絃願爾弟兄孫若子休孤此日繼相傳

姜議官輓章



八十平生事謂公一世賢掃除塵海苦歸作玉京仙

逢宋礬巖

鍾晉吟

數客偶然入洞天悠悠情緒正無邊  
霽餘溪響生高石薄暮村容繞  
墨烟興來日日雷來日老去年年惜  
去年此席相逢何太晚源源他夜結芳緣

卜居清溪山中

二首

歸作山中客誰知心事寧如昨  
紅塵事居然一夢醒  
出高谷溪處處世亦甚難人生一去後後事最傳難

謹次海宗殿韻

四忠配食高宗廟一體君臣祭祀同  
杜宇千春啼

舊恨雷陽百世有遺風上帝赫臨應憫下餘生三痛  
自糊中嗚呼貞魄終何極不滅其光燦我東

謹次紫泉臺韻

孤雲去後勉雲來兩世清風畱一臺臺下紫泉流不  
舍博文尚義道由開

謹輓金同福

棋中

并聚福星著象明仁而壽祿自平生好施懿德存餘  
慶思報劬恩動令名紫鶴峯雲開舊府白羊山月護  
佳城石君無恙還如昨鵲峙鸞停繼有聲

遊禪雲寺



倦筇纔到禪雲寺  
踏盡層巖絕壁間  
山童出戶能迎客  
金佛何心獨坐閒

庾洛史

九鉉

輓章

公居洛陽里洛陽春色多  
我公一去後春色屬誰家

崔寢郎

銓九

輓章

直節孤忠是我師  
維公去後失耆龜  
秋山從此餘空穀  
獨鮮一齋夏付誰

次溪隱亭韻

主人  
魯氏

滿地青山樹作城  
畫家此境亦難名  
烟霞奇癖同君少  
塵世幽庄始眼明  
老去何關衰字事  
隱居深得昔

賢情浮榮遣盡無餘債肯做槐安片夢成

次曹欽齋

惠承

回甲韻

方壺高鶴老瓊林孝愛平生寸草心  
寶植雙連門戶樹友絃再續室家琴  
業存東塢光前後名闡南州罕古今  
無限壽杯初度日風流遙想我懷深





松南遺稿卷之二

書

與舍弟明賢

官源

洛湖千里信音莫憑步月看雲之懷無時不切于中  
未諳茲者兩庭主氣力隨時康旺暨侍彩保重覃內  
均慶仰慕俯念不以遠地有間兄入闈以後館于典  
洞寢啖如前是幸而但在家之日常少在外之日常  
多家事巨細專擔於君自顧此身上不能修爲子之  
職下不能盡爲兄之道浩歎奈何惟願吾弟以乃兄  
爲前車之鑑勤力幹蠱不墜箕裘則異日家聲之善



繼豈不在茲耶閔台近候亦大安耳日下消息恐煩耳目故姑不露出畱俟來月初歸家時如何

與舍弟明賢

官源

晉是嶺之雄州爾且吾鄭受貫之鄉也鎮此數年其所感慨與他自別而不意天恩至重轉任于原營自顧此身才弱任重恐致鼎覆公餗之歎未知異日何以答聖恩之萬一乎匪榮伊悚竊念自古出仕者皆先公而後私故未能歸家以悅同氣之情語而遠作關東之程雲裏鄉山長在目中而已未諳新元體履神相大都均迫心所願聞而且映兒資本魯鈍

素無庭訓若其善爲教導成以虎鵠之訓如何此囑  
不多及

與舍弟明賢

官源

長枕之別遽踰半歲以在外之兄思在家之弟則其  
所孔懷想應一般矣寢郎帖旨是閔合所薦也一命  
雖卑來頭就職實由於此則卽爲起身膺 命勿爲  
潔身遐舉如何未認比辰體履清勝渾覃如常并所  
願言兄僅依前樣是幸耳東匪之騷擾是天耶時耶  
聞甚驚駭然此不過赤子之弄兵於潢池當不久掃  
清矣歸期難可預度其間家事專恃吾弟今年年形



在在均豐而惟湖南爲最云來頭或有鼓腹之老擊壤而歌者否西笑之行在于那間耶矯首南望只切姜衮之懷

答上閔輔國

咏煥

明源稽顙再拜白明源獲戾于天不自死滅禍延先考叩地叫天寧欲無生料表伏承慰狀一幅遠自千里而又兼之以厚贈其所哀感非徒在物深感閣下遠念之攸及也孤子木石頑命一息尚存忍見先考祥事奄過而几筵永撤衣裳遽變痛迫奈何竊伏念閣下位既尊矣德亦重矣一國之安危惟繫乎閣下

一身伏願延接賢士如周元聖之吐哺握髮安撫民  
庶如范文正之先憂後樂則何患乎一夫之不獲哉  
畱竢闕制後進謁伏計耳荒迷不次謹謝疏上

與族弟士彥

炳源

順之於我路隔八舍萬壘鄉懷與夏雲俱興而但雲  
去身不去奈何詩不云乎豈無他人不如我同姓不  
佞又繼之曰豈無同姓不如吾士彥也吾南中宗族  
甚衆而言論之諄諄清標之落落如吾士彥者幾希  
心乎愛矣何日可忘夏問茲者體度無損庇內夢慶  
溯祝憧憧 聖壽殿營建事自奉 命以來夙夜憂



歎只恐不能盡忠以負 聖上之恩也土木之役今  
已過半可謂庶民于來不日成之矣未知靈臺之築  
亦如是是否耶方有緊急相議事故茲以煩及望須不  
日登程勿惜八舍之枉如何松河近節亦泰晤耶忙  
未修書爲我寄聲如何惟希欣握不具

序

家乘譜序

夫譜者尊祖敬宗而一家之史也乃知祖考之有子  
孫猶木之有枝葉水之有派流也所以培其根而達  
其枝澄其源而導其流所謂形分離萬理合則一者

也是以程子曰管攝天下人心收宗族厚風俗須是明譜系張子曰人各知來處則思孝之心油然而生此乃譜之所以作也其義不亦重乎惟我鄭氏系出晉州而越自羅麗世襲簪纓清德奕世而自始祖平章事以下至文忠文英文良公事載國乘不復贅言入我朝名儒碩輔孝烈忠義前後輩出而忠莊公諱璜以直忤旨黜于武靈是南下中祖而子孫仍居焉剛齋宋先生所謂一門二忠莊之名炳烺乎宇宙者是也其在垂裕之極敢不尊且敬哉嗚呼以若一體之分各居千里之地故未及大同而各修派譜



其在親親之義豈不爲欠闕哉世道叔季勢不得也  
噫竊聞枝葉雖茂露其根則枯江漢雖大塞其源則  
涸其在枯涸之兆豈不勉旃哉所以門議峻發聿然  
創修收宗族明昭穆將俾後人沿流而求源開卷瞭  
然知其來處則敦睦之風思孝之心油然而發矣余  
以謏寡猥尸其役不可無一言故不揆僭越畧叙其  
衷焉

族譜序

譜家史也不修則祖宗已遠祖宗已遠則子孫不睦  
子孫不睦則派系不明派系不明則將至於路人而

世未遑之事至於今日而修明日後續修將有望於  
來裔焉於是乎書

清溪社老契序

易曰同聲相應同氣相求聖人之言似有預見於吾  
儕今日事也噫余自謝世入山之後鄉里故舊均是  
以竹馬之交時時趨逐莫非聲氣相同而優成一社  
遊於斯休於斯可謂難朽之樂也然則前世之事倘  
或有是遊而竹林七賢不過曰晉代清狂之論也香  
山九老亦只是唐世佛寺之遊也反不如吾儕之肝  
膽相照道義相求則惟宋之洛社耆英會庶有彷彿



者存矣若其山川風物窈窕穹窿烟霞水石混漾  
靜而蓬萊方丈瀛洲諸山面面呈彩於几席之間則  
庶幾乎仙緣之在於目前而又無桃花之流不使漁  
舟入來則自是上來者皆吾聲氣相同而飄然白髮  
儼然羽衣團成一社豈非叔世盛事耶後之人必有  
以二千石購此山水之好也

記

六華亭本記

歲庚寅秋六華亭成名亭六華其義可諦詩不云乎

常棣之華鄂不韡韡惟吾兄弟同根而人六人六而

華六故因以命名也嗚呼兄弟俱是父母之子也方其幼在子父母膝下也莫不友愛而及其長也偏愛私藏失其親睦者十居八九可勝歎哉嗟余無似序居最長而自少妄有志於功令浪送光陰於宦海風波中而未能修孝友之萬一心所慨然者久矣逮夫青馬以來外擾交締國事日非余亦宦情益薄解紱南歸日與羣弟聚於亭上枕被相同墳簾並和以爲畢生計可謂覺今是而昨非也噫命途多舛人事變遷前此三年第二行司馬官源先我而逝白首鴛原之痛去益如新而余年遽踰希齡餘景幾何登亭尤



松園遺稿卷之三  
不禁少一之懷每想吾七世祖有六位兄弟友愛甚篤手植六松而講學于六松之下故世稱六松亭處士迄庸永慕者久矣今吾六華之亭雖不敢繩其祖武而兄及弟矣式相好矣爲兄者盡其爲兄之道爲弟者盡其爲弟之道無相猶矣則可謂無忝六松而六華之義豈不名實相符耶伊後雲仍以吾今日之心爲心而繼繼孝友則庶斯亭之不朽於百世去時壬戌重陽節也

月湖亭記

月與湖天壤相懸而破萬古之長夜含萬象之森羅

者一也。蓋人有清明之氣，包容之量，與月湖無間而得其真諦焉。則天亦佑之，使之管領此二物者，理固然矣。前承宣孫公墓洛嘗居于月山山中，起一亭爲晚年藏修之所，傍有湖水清淨無埃，天光雲影徘徊於此而彼皎皎之月每夜來照，則於是乎主翁臨湖對月在心之虛靈在躬之清明，渾然無查滓，能造乎天君泰然之域而克己復禮，徹上徹下之明鑑，綽有餘地矣。希賢之事業何難之有乎？余遊宦半世，晚暮返山翁已作古，人人世相錯，何若是邈絕耶？嗚呼遙想平昔依倚之象，不啻若空櫟落月而允君之繼述。



尤爲嘉尚故茲掇蕪辭畧表舊誼

跋

醒晚遺稿跋

吁公之篤行也好學也其炳然之懿德足以紹古範  
世而天喪斯文竟失著龜之存寧非吾道之慨鬱也  
哉但其遺韻餘馥尚有照人耳目者能起懦立頑廉  
之風矣余豈阿私嘗執契於左右得以觀感者不爲  
不多入其室則如芝蘭之馨香可掬見其事則如醇  
醴之醲和可醉勿勿乎其仁間憫乎其義好善而獨  
善弘濟而自濟命耶時耶並世於不辰漆愁杞憂交

縋於腔子裏只有一片靈犀之相照彷彿每吾爲公  
歎公爲吾憂寤歌浩吟乃若牙鼓鍾鼙而今焉夢想  
皆如昨日事嗚呼已矣公既赴於修文之崇班余亦  
困於衰耄之沉痾惟竢符到之日而公之肖孫允鳳  
君索余一言附於卷端蓋以爲公知遇者莫余伍也  
然而諸家之贊述顧已備矣不足贅疊而乃感其孫  
曾善繼善述之至意亦不敢負賢公宿昔相愛之厚  
義謹書如右而復之

### 祭文

祭閔輔國

永懷

文



嗚呼哀哉閔在我東世臣喬木老屯及丹世世忠直  
惟台之生胚胎前烈宗廟瑚璉王庭黼黻左右進退  
能補袞職憂國如家心存社稷愛君如父義同休戚  
青已之變尚何忍說 國步艱難滿朝蠹賊宗社邱

墟生民魚肉西山有薇誰復採食東海有水無人蹈  
得惟台見幾上疏陳達因而歸家 竟至殉節忠貫  
日月義薄霜雪不知有身但知有國視死如歸淋漓  
鮮血血衣所藏乃生叢竹伯夷孤竹萬古不滅圖翁  
善竹前後一轍作酒作羹無復梅麴龍吟虎逝鱗舞  
孤躍嗟余明源特蒙愛恤賁緣出入自少老白位則

雖殊誼同一室惟命之死死亦榮極明源之生生亦  
愧怍莫雖菲薄庶將衷曲尊靈不昧庶幾來格嗚呼  
哀哉尚饗

祭匹弟進士

官源

文

維歲次壬戌三月乙未朔六日庚子卽匹弟進士官  
源歿後再朞也前一日己亥兄明源畧具小奠爲文  
而哭之曰嗚呼痛哉居諸迭遷二十五月今適其期  
矣先王制禮凡遣將撤幽明永隔哭泣無所則是使  
死者純乎鬼而使生者無所憑依也送終之變於是  
乎極矣而余與君方且大訣於今日矣雖欲無慊得



乎凡人之情日遠易忘歛而蓋棺踰月而葬期而小  
祥情隨而歇心亦可以少衰矣然而寤寐之際恍若  
君之在傍出入之間常疑君之或遇於道則是乃癡  
心妄想有若候離家者之有反就睡者之有覺也耶  
余遽世入山君既知之矣朝晡之饋朔望之奠曠而  
不與者十居八九勢也奈何或羣居談笑有若忘君  
之死而忽焉顧懷若利刃之觸膚至慟之結於肺腑  
者是其然乎若以年進言之兄先而弟後可也今乃  
反此天乎命乎每當親忌之辰兄弟俱詣竟夕達曉  
而君則不在饋爾籩豆飲酒之飫兄弟俱會而君則

不來此窮年殁歲終不可得而復見耶使生者若是  
隕結則死者之靈得無欠缺於地下耶顧君孝親忠  
君非迺兄之愚所可擬倫矣日暮泉臺歸侍雙親撫  
乳捫足融融之樂果何如高倚北斗望哭之淚有盡  
而廣載之歎復續耶萬恨千思腸以寸裂君其知之  
乎不知乎嗚呼哀哉

雜著

不自欺文

物之尊貴莫如人人之尊貴莫如心故先賢稱心曰  
天君不可欺者天君也是天是君位於微妙之間而



操則存捨則亡喜怒哀樂視聽言動惟令是從而善惡有分邪正異路於是乎君子少人自有消長之道觀於否泰二卦可知矣噫自古治亂盛衰有如晝夜寒暑之更迭謝遷而治日常少亂日常多其故其由不難知也寰宇萬姓一以自然之天賦生而君子之稟是間世而生者又鮮有合於道而出於世者矣余以僻鄉殘族長於私門年甫弱冠不知在我之天爵而慕於在外之人爵世皆以榮塗稱頌而更無以君子之道告之矣嗟我年少沒智不自覺恬奔走於四十年是非之路而蒼黃間虛負光陰屈指賤齡已迫

七旬矣已矣乎命途薄淺余自關東解紱以來蟄伏  
於紫霞坊蝸屋之中無由得諫路於君上而天下大  
亂方其大廈將崩誰有以隻手能支者乎鬼蜮滿於  
宮中而以出位之人手無尺寸之兵萬死後策痛矣  
痛矣滅我性滅我身寧欲放狂自恣不知身之在地  
而幾至顛頤矣忽有故舊之來吊者開眼視之室人  
在傍救以米粥於是收殘魂而思之則人遭急遽必  
呼父母常情也是身之微無非先君之賜而望裏鄉  
墓在於鄉山自今以後歸卧鄉廬掃除墓地是吾不  
欺本心也心不可欺則天可欺乎天不可欺則君亦



不可救也嗚呼乙庚之禍尚忍言哉內而公卿外而  
章甫不勝忠憤往往有伏劍飲毒赴水而成仁者令  
人間之不覺毛骨竦然何其壯哉然以淺見思之則  
殺身成名出於忠義所激而奈徒死無益何蓋人以  
殺身爲心則何事不爲乎翟義之舉兵西誅可也王  
孫之入市右袒亦可也博浪椎易水劍亦可也而何  
必卧於牖下自殺其身如匹夫之爲諫自經於溝瀆  
者乎於是以一竹杖一草鞋浩然賦歸抵于鄉廬則  
舉目山河自不禁新亭之淚矣乃語于諸弟曰考妣  
兩墓近家安措則爾其善護焉吾當入於曾皇考墓

下以終吾餘年似或爲不自欺云爾

### 通諭文

右通諭事道存百世而師事之澤及萬民而尸祭之  
古今之通義也南海之潮州西蜀之閬州皆處於天  
下之一隅僻而潮有韓文公廟閬有張侯之祠此皆  
古昔之已例而一則不忘其德而尊慕之也二則將  
欲揚其善而矜式於後也茂之爲鄉以海外形勢言  
之是南海之潮而西蜀之閬也曾有忠賢祠之李柳  
兩先生竹山祠之吳先生父子道巖祠之金先生道  
峯祠之鄭先生皆以忠孝道德炳炳於一時而足爲



於式於百世故本鄉章甫皆仰慕而俎豆也往在戊辰混入於大同毀撤之今有其地而無其禮士林之抱鬱者久矣嗚呼吾儕亦忝於斯道之門庭則豈不能立一時公言而樹百世之清風乎至於祠宇復立事巨力綿猝難修舉而其遺壇自在嗟我縫掖諸儕各以義務不計豐儉而出其力以春秋上丁俎豆而矜式之則其立綱樹風之功庶幾不下於潮州之王君滌閩州之李獻卿矣豈不欽哉豈不猶歟惟願僉君子尊諒之地千萬祈懇

松南遺稿附錄

御製諭大小臣僚及中外民人等斥邪綸音

王若曰嗟爾八百有位粵我八方有衆明聽予一人  
詰洪惟我

列聖朝聲明之治熙洽之化陶鑄斯民民無褻惡趨  
嚮之正風俗之淳無愧三古而聞於天下童孺婦  
妾皆知尊孔孟之聖村秀蒙士莫不崇程朱之學  
此所以親賢樂利於戲不忘者也惟予小子猥承  
列聖之丕基以拊

列聖之遺民則孜孜一念曷敢不以容保民爲繼之



之圖乎哉不幸有往牒所未聞兩間所共觀之一種邪教來自泰西惑世誣民民或染汚者于今百許年矣粵在

正廟盛際其所防微杜漸固已斬根除蔓而不意種下生種旋滅旋熾中間大懲創者又非止一再而潛形隱影隱憂常在民趨之漸乖民俗之漸漓未嘗不由乎是噫彼爲教自以爲敬天而其究也慢神自以爲勸善而其終也播惡寔禽獸之不若蛇虺之是同則苟具人性者孰不知其不可狎如鴆毒不可邇如蠍射而惟彼蟠結之醜恒有躑躅之

乎邇來無賴才徒乘時竊發昏夜穿窬在在頻警  
白晝剽奪往往駭聽浮言胥動民心未靖又不啻  
漸乖漸漓而已者安知不由於邪黨之未盡薙獮  
而然歟言念及此寧不寒心蓋以是而反復思惟  
顧今日息訛戢盜以靖吾民之道實在乎邪黨之  
廓清而若其廓清之方昔非不足今何加焉抑亦  
反其本已矣欲病之無侵者莫若補其氣欲垢之  
無汚者莫若澡其身今之欲斥邪者莫若加修吾  
儒術凡冠儒服儒而講鄒魯之教誦洛閩之說者  
苟能視聽云爲不離聖訓造次顛沛必遵賢德正



道斯行善俗斯興則所謂染邪之徒雖不挾隱而  
破藪莫能容頭而過身梟音固可變也獸心亦可  
革也至若竊發之徒本皆良善之民也不待剿討  
而可戢胥動之訛元無根蒂之言也不須盤馱而  
可息於是乎民心自迪於吉康淳風可返於斯世  
鄒孟氏之闢楊墨終則曰反經而已矣經正則庶  
民興庶民興斯無邪慝矣有味哉斯言乎嗟我犬  
小臣庶向上匪懈思裨予寡躬者盍以經正而民  
興爲羣言之首哉過此以往如復有深染於邪不  
儉其習誑誘愚蒙滓穢清明則屋誅族滅亦有不

得已而用法者去莠以培苗除惡以樹德卽保我  
列聖朝遺民之至意也爰茲洞諭庶有體悉乎予衷  
者

光緒七年五月十六日

光緒七年十月日

武兼鄭明源

內賜斥邪綸音一併

命除謝

恩

待教 臣 閱



木月通和千金

松南遺稿附錄卷之一

詩

謹次六華亭韻

領議政閔泳奎

金昆玉季座生新叔世美風興感人早歲功名都付  
夢晚年湛樂自尋真相居遠地徒聞耳只恨當時不  
接鄰薛鳳荀龍今彷彿渾忘宦海有囂塵

輔國閔泳煥

一進和氣六華新是季是昆如玉人舉世閔墻何事  
故德門聯枕養心真序儉春夜桃園席情話秋風栗  
里鄰第待來頭登覽日湖南千里拂車塵



學士李愚冕

亭以六華扁額新溫溫和氣玉如人闥墻紵臂嗟何  
事長枕聯衾自率真由氏紫荆奚獨美常園花樹可  
爲隣當時湛樂盤桓處白石蒼松脫俗塵

蔚山金始中

數椽精舍六華新俱是當年忠孝人西臺孤節謝軍  
直谷口名家鄭子真百年如夢青山古萬事無心紅  
樹隣獨有靈根神不老輕風微雨掃荒塵

茂松庾東植

重構亭顏倍色新棣花韡韡六其人無猶式好相修

德既翕且湛各率真一洞烟霞占勝地四圍水竹接  
芳鄰妙寵隱若瓊琚宇修葺承承不入塵

鳳津宋鍾哲

六華韓韓一亭新伯仲垣篋湛樂人自天福履延千  
禩餘地芳馨遍四隣克軫飢寒馳義切每懷急難用  
情真早謝榮名歸共老怡怡日夕頓忘塵

長興高禮鎮

一根常棣六華新亭上風流摠可人唐園叢竹通三  
徑田氏芳荆共四隣手把垣篋相和操案儲經籍對  
尋真白首青杉湛樂意不知此外有腥塵



新平宋漢台

系出晉陽門戶新六君子坐外無人先知勇退能安  
分晚喜經傳自得真棣樹風微香滿室蓮池夜寂月  
如鄰看彼歸雲眠白日徘徊一念掃荒塵

昌寧成寅修

六華亭畔六花新摠謝功名富貴人肯堂奚啻桂林泉  
趣和樂還多孝友真座中姜被共聯枕院裏荆花好  
結鄰庭草不除非耽景諸翁謀道頓忘塵

茂松陳東瑾

一亭高處六華新仰看何須問主人當世令名增地

閱平生孝愛率天真依依高躅雲林界隱隱清風水  
竹隣推看盡簪湛樂意琅干明月淨無塵

茂松庾允鳳

亭以華顏顏益新金昆玉季卓乎人階前流水方塘  
靜簾外層巒翠黛真同德八龍荀室裏齊名三鳳薛  
家鄰庭蘭園棣春如許嗣葺千秋不染塵

羅州鄭遇祚

六華亭下景惟新曠日登欄遠近人燭峯擁後山客  
肅堤水當前地勢真中軍古宅相望處上舍餘風共  
比隣將使雲仍能繼述遺芳百歲却腥塵



松園遺和詩卷之二

咸平李性範

棣花六秀入亭新  
遠近誰非欽慕人  
草木完然餘賁  
采山川應是降靈真  
每連衾枕年將老  
聊把壘簾日  
與鄰繼以孝兮傳以學  
從知千代案無塵

新平宋景植

一代風流宛在新  
述先今有重修人  
金昆玉季同心  
樂秋誦春絃叙倫真  
乘寂川聲羅浦逝  
浮常雲影燭  
峯鄰座聯文武棠華六  
無盡烟霞不染塵

光山金在珪

亭以華名寓意新  
靜欄頽陴大宜人  
奐焉輪若玉何

壯樂且湛兮誼寔真羅浦漁歌聞聽地月峯夜色景  
明鄰經綸早得休官日貽後裕謨遠市塵

昌寧成桓奎

扁額煌煌看益新六花分作六行人朱門桃李何須  
取白首填篋自養直荀氏瑞龍城二序薛家靈鳳加  
三鄰金昆玉李文兼武座上應無一點塵

清道金秀謙

翼然亭下棟花新昆季聯芳會六人盛世恩榮皆有  
達暮年湛樂各修真聊將寸草春和地長使紫荆日  
接鄰吹送壘簾恭友裏庭蘭交翠絕浮塵



松南道和附錄卷之一

茂松庾東勲

菁川古宅福綿新玉署銀臺次第人  
嶺擢清班文武顯克勤孝愛性心真  
芝蘭交翠春盈砌桑梓連青世結隣  
可使登亭多感慕英靈如在戶無塵

清道金秀漢

亭屹六華德業新煌煌扁額耀諸人  
功名相達當時美福祿無窮永世真  
吹以埴簠恩愛重友于湛樂接居隣  
賢孫肖胤登臨日歛衽惟恭灑掃塵

茂松庾聖泰

棣園湛樂日惟新寓物名亭尚古人  
出宰府營行政

厚隱居鄉里率情真蓮谷微風香遠播燭峯明月影  
同鄰後來覽者傳相語前日清遊脫俗塵

清道金在玉

亭外山川望裏新百靈鍾出六源人壘吹簾和叙倫  
樂杵吐珠含見理真鴈入秋天成順列棣環春圍結  
芳隣忠兼孝友爭星日不染他時柏雀塵

謹賀松南鄭公入山韻

族兄 學源

十載風霜向晚歸鐵衣好換碧蘿衣家僮撐石安茶  
鼎野老携壺款水扉夜靜閒堂山果落雨過新園藥  
苗肥逢人爲問幽居趣溪上漁樵官跡微



桃源一道是清溪焚去銀魚學士棲落日青袍望華  
北清風孤竹採薇西歲寒高號知松節終老先塋拜  
石梯武曲仙靈催長夜山空月滿叫金鷄

族叔 西巖

清溪一曲洞門闢地雖僻云人不僻草堂遙憶西峯  
釋亭溪俄歸道士觴酒得恒時動菊香杖曳石逕羅  
蘿薜青驢來客待主翁犬吠山家夜寂寂

全州李雪峯

早遊名利是非中回憶曾經夢寐同晚業付於山水  
樂清溪高卧笑塵風

廣州李菊田

早侍瓊樓暮草堂  
惟公名惠永年香  
夜隨北斗丹心轉  
地比南星白髮長  
溪水偏清君子里  
嶺松孤秀大夫鄉  
廓開雲霧青天日  
何處相逢又詠觴

松波鄭寅龍

自古清溪擅勝名  
學仙投紱任真情  
翬塵不染山門寂  
伴鶴松壇穩夢成

茂松庾九鉉

主翁晚節卜清溪  
隻鶴山人舊所棲  
紫禁宮闕天橫北  
白石鄉園日望西  
下野癰節穿霧峽  
登高倦屐踣



雲梯

咸陽吳秉植

屋後青山重復重  
窈澹隣曲盡吳儂  
雲烟交鎖尋無路  
猿鶴不驚宅  
審容只怕人間渝  
訛白却從物外斷  
其蹤自是漁郎難  
再到滿溪明月也  
溶溶

松南鄭公入山韻

並序

惠津宋鍾哲

牟陽之南九皇峯  
下清溪洞卽松南  
鄭公曾王考墓木  
旣拱之所也公嘗  
以儒雅之姿兼干  
城之材屢選于朝  
歷守闔職皆有治蹟  
適丁運否巨浪滔天  
寸堤難回乃解紱歸  
隱

故山先隴之側公可謂見機而敏於勇退耳  
於是乎晨夕省掃寓奉先思孝之義而有時  
把酒陟高望北天慘雲則忽不覺拔血長慟  
露地椎胸其非公所以繼君愛國之忱不以  
隱顯而有間者耶噫公之隱寔非果於忘世  
亦非潔身亂倫則彼泉石雲壑之清邃林花  
猿鳥之閑靜吾固知非公之所樂特寓矣而  
切切然不忘於寤寐之間者惟君國耳豈世  
之所謂但寓於隱而微舉於時者比也哉吾  
嘗過之樂聞所志因奉之酒遂和古行小引



曰

早世干城將晚來  
遯世人山中無甲子  
祇記葉間春  
奉先追感孝憂國  
獨傷神尋常溪石上  
猿鳥自相親

茂松庾一銘

知止無危是大人  
眼前風浪急流津  
早辭紫陌鶯花  
貴晚帶青山桂樹  
春袞冕何官浮世  
客澗阿溪趣樂  
心神願吾與子從  
遊者抹馬膏車往  
結鄰

序

松南鄭公入山序

族弟 經源

公將行求一言於余  
贈言仁者事自顧  
顓蒙何敢預

也其在宗誼遂不辭焉自古爲人臣而遭時不祥者  
或入於山或入於海者何限而不必遠引只以羅麗  
之懷忠保節者引之也羅王子之隱於金剛吉注書  
之隱於金島此皆扶世教立人紀者也公之行也由  
於斯而發之者也耶嗚呼今日卽入山渡海之秋也  
公雖武人亦有儒者氣像志在死餒而未得其地不  
忍見宗社將亾而缺然歸家俯念君臣之義肯受妻  
子之養乃入九皇山下青溪之谷居於曾祖斧堂之  
下俛仰首邱之計程子所謂弱國之臣當守其正而  
已朱子所謂忍痛含冤迫不得已者是也公可謂守



其正而忍痛者也公既入山必有感古之夢如見麻  
衣子治隱子必問之曰我之入山與兩翁之入山何  
如也必應之曰子入於山而居於先隴可謂一舉而  
兩盡之者則固閔影跡無使此山之英靈或至其移  
文也

茂松廬一鉉

仕宦至二品行樂等公侯時君寵愛之公卿交遊之  
自國都至于閭里莫不瞻仰而愛慕之一朝決然捨  
去而歸卧故鄉者古無幾人矣疏以太傅之任天子  
寵之公卿榮之知足知止退休鄉里與宗族故舊宴

飲唱樂錢若水位至樞密不以名位爲寵光勇退於  
急流之中人以爲去神仙不遠此二人者當時所榮  
至今稱之豈不偉哉吾鄉前營將松南鄭公才惠夙  
成文翰如流早擬干城之任年甫弱冠投筆登第聖  
上寵愛宰相比護南閩北營無不履歷年過四旬位  
登二品上自國都下至閭巷莫不欽仰而艷慕之一  
生喫着可謂極矣一朝解冠投綬退歸鄉里與親戚  
故舊作享安樂矣如風浪聒耳耳不欲聞冰炭屬目  
目不忍視故更結數椽於水聲岳色之中一世喧寂  
了不相關以猿鶴爲隣麋鹿爲友松風蘿月露皓頂



而逍遙桂沚蘭汀濯賁趾而徜徉古所謂清溪道士  
上天下天鶴一隻之仙人也此豈非知足知止勇退  
於急流中之人乎疇昔薄暮過余門而告其樂於是  
連枕一宵俱道舊誼於其別也酌酒三行送至山陽  
叙其事而序焉

晉州姜天秀

鄭將軍某氏以韎韐英年通朝籍歷清顯而受任於  
南北望邑者亦累矣韓社之屋幾欲捐生而爲近於  
徒痛哭南下則青山滿故園也屏妻子之養家清溪  
萬山之中薇蕨爲生涯之資履屨代驢馬之安斷烟

起雲與愁相連及朋知過訪杯觴伏禮則輒白眼望  
天月爲寒余嘗謁其燕居從容仰質曰將軍旣勤  
王家黝然者星星則不可謂全無涓埃之報矣且浩  
劫闢於天數非人力之所可安排雖古之賢於將軍  
者亦無如之何而匪風之詩麥穗之歌徒滋後人之  
涓矣今將軍餘戀獨切於中愈往愈甚者情雖戚矣  
雲鄉愈邈萬事都訖則何不少同於人而自苦乃爾  
將軍曰唯唯余以草茅菲陋衣君食君數十寒暑頭  
踵毛髮罔非恩造呼吸喘息盡罔晟化股肱王室身  
繫安危雖不敢望至若邊備失禦風埃滿目則王夷



甫諸人安得免其責乎旣乏補天之力而頑忍之甚  
苟存視息茫茫穹壤此何人斯今年迫七十就木朝  
夕事耳區區所自失者固將爲畢生難瞑之恨而古  
人所謂追先報本送往事死之義亦無地自效矣微  
君相問此懷向誰說道嗚呼西山採薇有辭千古鷄  
鳴而起孳孳爲善優可謂舜之徒則將軍之鎗餓枯  
槁於清溪之麓而採薇以食者獨謂伯夷徒耶彼頂  
玉腰金蹈舞於梁庭者抑獨何心

咸陽吳秉植

士君子出處遭遇其難矣殷伊周呂何其正大也

子之狂夷齊之餓何其滅性也時有治平國或亂匹  
天地萬古代謝之理有如四時之易遷也故士君子  
之出處遭遇隨時有不同者義亦存焉見今滄桑志  
高行潔氣秀而色和嶄然獨出衆中余於松南鄭公  
見之矣可惜哉若人早年投筆登朝四十餘年歷級  
清班但以位不稱德故驥常不得展其足矣見宮中  
之禍作翻然捨歸於鄉第謂其子若諸弟曰世其易  
矣我安適歸爾曹當勤於耕讀苟全性命亦是爲措  
大之業各其勉焉於是獨挺然獨入於牟陽清溪之  
阿夫至寶潛於山川之幽而異於羣物者以其輝然



文章照人心目者也嗚呼使是人當時立於臺諫之列則安得宮中之變若彼至不測之境耶士君子出處遭遇何其難也何其不同也伊呂則聖天在上時之出處有正大箕子之狂夷齊之餓遭遇亂亡而至於滅性前聖後聖出處遭遇有時不同然是人之從容就緒時與前聖有不同而義亦有不然者矣於其歸也序此數行以代古人之贐行焉

茂松庾九鉉

孝爲百行之源而源浚者流長如丹溪朱溪染溪漆溪皆是而是溪也獨得水之清名者無乃待主人之

清而然歟吾子以清流朝士位躋清班歷典重任所  
在有清德之名一日見朝事之日非皤然歸鄉日與  
詩朋酒友淋漓顛倒不知青雲之在己也牟陽之清  
溪山卽公之曾祖考先壠餘麓也彷徨乎此翱翔乎  
此者非取溪山之樂而登臨之外別有孝思維則也  
前古朝士懸車之地指不勝屈而賀監之鑑湖美則  
美矣而美全在於鑑湖而已矣歐陽之潁水高莫高  
矣而高惟在於潁水而已矣吾子兼得鑑湖潁水登  
臨之趣而溪山之外做得孝理上工夫惟此一節古  
人之所未及也不佞與吾子竹馬溪交而年又同庚



者也及夫下鄉之日日相追逐把酒誦詩不覺老之  
將至今於八山之日病卧瘁濱一未能回麓而樵同  
溪而漁年少車笠之盟烏在向承歷訪一宵聯枕論  
道故舊不覺春宵之苦短臨分無所可贈而以數行  
文爲贐行之資咬菜健骨採藥延壽以待後時之清  
吾所望也

記

清溪洞記

宗人 觀錫

湖南之高敞世所謂鄭公鄉而九皇山下古水之清  
溪洞前營將鄭公明源距其家二十許里而獨隱居

之泉石秀朗土厚而草蕃君子可以避地之所也公  
早登官途累典邑鎮得詳明有餘之褒及夫天地  
轉之會視祿利如泥塗寄栗里之南窓依草堂之北  
斗斂跡農畝醉於斯詠於斯不知歲月之忙如安豐  
之董盤谷之李而先降霜露之感悽愴怵惕尤有足  
動得人者噫玄黃易處濁浪懷裏沙蜮虎偃頭出頭  
沒者滔滔皆是而公能勇退於急流中使清溪之古  
水爲濯纓之滄浪詩之明哲保身者非歟其子孫亦  
以公之居墓下之心爲心數講歸養則公不許曰今  
日吾所以居此而爲樂者不換時人之簪紱青紫而



若將終身焉此可謂知微知彰知柔知剛者歟余與  
公同祖文英府君有宗族之誼始拜公於清州山下  
公爲言清溪之勝謹次其說以爲記

六華亭重建記

長興高禮鎮

亭在茂松南防築後松林間扁之以六華者近古松  
南鄭公六昆季晚年休息之所也嗚呼人孰無昆季  
而能盡友于之道者甚鮮由不愛父母故也兄弟同  
是父母之子則其愛之重之當倍於己之子而世人  
徒知愛己子而不知愛父母之子可勝歎哉公自少  
慷慨有大志不事家人生產而以武藝出身遊宦在

京出外之日常多居家之日常少矣中年丁憂後棄  
官歸來與羣弟日夕相對或論風樹之懷或吟蓼莪  
之詩矣及闋服營建數椽茅棟於家後伯堦仲簠相  
和同樂金昆玉季式好無猶帝園花樹不獨專美於  
古而田氏紫荆庶幾復觀於今矣若使世之闔牆紵  
臂者聞公之風則亦可以改心革面矣噫星霜變燼  
風簷雨棟幾至頽圯後人不忍任其荒廢仍其舊址  
重建新棟茅變爲瓦今日之建有光於前日也若使  
世之爲後仍者繼述先業如公之家則何患乎世業  
之不修乎創始者公之長胤休映始終賢勞者從孫



鳳煥也公諱明源晉陽大家而官源聖源始源忠源  
和源厥弟五人也

祭文

祭伯父松南公文

維歲戊寅季夏十日庚子我伯父營將公松南府君  
考終于正寢越十九日己酉卽卽遠之日也不肖從  
子枋珪謹具數牒脯醢操文哭告于靈柩之前曰嗟  
我府君之平日德行也事業也功名也以不肖之愚  
見淺識難乎悉舉而竊有家庭所耳目者及衷情所  
感者畧述其槩而痛哭焉嗚呼哀哉人生世間有達

而兼善國家澤被生民者又有窮而獨善其身隱淪  
巖穴者若府君可謂盡兼善獨善之道矣維我家聲  
自中葉以來間多不振幾乎寂寥而惟府君以山嶽  
毓靈之氣篤生于家少有遠大之志不事生產之業  
早遊漢師一時名宰碩輔莫不稱詡一自筮仕後立  
朝數十年歷典內外之職使幾墜之家聲復期於昌  
大而及其兵馬于南討捕于北人皆以爲榮而府君  
之志則不然旗旄車蓋不足爲榮鳬鷖虎符不足爲  
貴惟以盡忠闡外澤及生民爲己任此則府君之達  
而兼善也晚後位登二品追榮三世使已歿之親榮



及泉壤此則府君之立身揚名以顯父母也及其時  
當百六滄桑多變知其無如之何則浩然賦歸投紼  
南下肥遯于清溪山中咬菜甘於列鼎布衣華於佩  
玉身雖窮而志益堅年雖衰而德益尊此則府君之  
窮而獨善也嗚呼哀哉府君有六昆季序居最長其  
次卽我先君上舍府君而遽已先歿又有丈夫二人  
長登司果兩七旬執喪幾乎哀毀次登司馬亦已早  
世府君之同氣嗣續在弟惟餘二人在子惟餘一人  
門內長老奄忽幾盡言念及此痛迫奈何嗟余不肖  
自先君歿後恒切失怙之痛而惟幸伯府君在庶庶

幾有所恃而有所依焉今伯府君繼而厭世撫古傷  
今不肖風樹之感益復如新矣嗚呼哀哉顧今世界  
陸沉無地寄身豈厭世之腥塵潔身遐逝乎抑將家  
門不幸天不假年乎從今以往儀形永隔虎鵠之訓  
於何復聞花松之戒從何復承府君平日視余猶子  
而嗟余不肖不能視之猶父今當大歸之日雖悔曷  
及既歎厚夜之不曙又恨脩路之難復奠雖菲薄庶  
將誠意伏惟尊靈庶幾降臨嗚呼哀哉尚饗

祭松南鄭公文

維歲己卯六月乙卯朔九日癸亥卽前營將松南公



卷之四

暮而小祥也門長鍾年使門子侄赫源升源休暢休  
準柱軒休三京默鳳煥大壽等謹以薄奠短誄再拜  
哭告于象生之遄曰嗚呼哀哉人之有壽有夭如天  
之有晝有夜雖聖哲英豪有所不免矣若以八百彭  
壽三千東甲言之則雖百歲以上不足爲壽而以常  
人之壽言之則七旬八旬亦云壽矣况公之壽享八  
旬有七歲乎公幼有豪氣投筆操弓登武科而及其  
兵馬于南討捕于北聲名蔚然以及榮親矣方其手  
握兵威身居闔外何求不得何欲不遂而惟是愛君  
一心炳炳如丹廉公奉職只知有國君而非若世人

之苟貪祿利爲飽煖計也及其時運板蕩知幾遜舉  
雖未學蹈東之節終能守陟西之志肥遯于清溪山  
中猿鶴以爲伴文酒以徜徉古所謂急流勇退者非  
公其誰宗中有事公多周旋謀忠而今焉已矣大小  
宗事於何就質英靈壯魄歸于何處爲河爲嶽降在  
地耶爲星爲辰飛上天耶抑爲風爲雷掃腥塵於海  
外耶爲龍爲鳳呈瑞彩於後時耶四者之中必居一  
於此矣失聲長號求音形於髣髴醑酒再拜冀尊靈  
之歆格嗚呼哀哉尚饗

維歲次庚辰六月己酉朔八日丙辰族弟普源老不



松陽先生集卷之十一

遂誠使子休暢再拜哭告于嘉善大夫行原州營將  
族兄松南公象生之筵曰嗚呼痛哉惟公挺生翹楚  
南服出身韎韐多閱散職鎮撫原晉防禦匪敵知國  
將亂勇退於急歸老清溪終身晦跡山樵水漁伴鷗  
友鹿晚喜門事定規省墳表案咸譜惟公之專兄征  
弟邁異派同根秋月春風遊覽遠近呀然而笑美如  
冠玉赫然而怒虎吼裂壑九耄康寧擬壽百歲二豎  
倖魔奄忽一夕棄我樊屣淘金餘石嗟我門事誰與  
分析于心悵悵不哭淚滴茲具菲薄敬奠一酌嗚呼  
哀哉神其來格尚饗

防築洞中

維歲戊寅六月十九日己酉前營將松南鄭公大歸  
之日也防築洞中某某等謹以薄奠短誄再拜哭告  
于靈柩之前曰嗚呼哀哉維我松南令公兮實是海  
東名族生於長於湖鄉兮從而遊而漢洛位尊而德  
重兮補闕外之袞職率兵馬於嶠南兮兼討捕於江  
北以錦衣而還鄉兮佩虎符而梟鴛曰達尊而有三  
兮維我公而兼得箕疇福而有五兮獨於富而不足  
爲仁而不富兮是何傷於廉直何國步之多艱兮  
世界而沉陸見幾而勇退兮入清溪而遯跡想和華



於裘冕兮飲水甘於梁肉老益壯而竊堅兮守其介  
而如石以我公之太德兮將享無疆之壽域胡爲乎  
脩短有數兮八旬七而不淑潔身而化仙兮厭世塵  
之溷濁自我公之乘化兮巷無人而寂寞豈曰真无  
人兮不如公之清德日月忽其不居兮軀魄歸於窀  
穸歎警歎之莫承兮恨音容之永隔聯名而酌酒兮  
痛九原之難作惟尊靈其不昧兮庶幾降而歆格嗚  
呼哀哉尚饗

維歲戊寅之六月十日庚子松南鄭公卒茂松後生

庾熙泰謹再拜哭祭曰子嗟今公鍾靈嶽瀆稟賦純

粹制行卓犖義理森嚴如無鼎鑊射策登龍 天恩  
罔極屢遷訓鍊院俄莅晉陽城豐碑頌偉績政清冰  
集聲入侍補衮職絲綸日星炳桑瀾忽翻覆孤臣痛  
無窮篋海拜新月薇出挹清風桓主袞冕昔何巍巍  
宿草荒山今何漠漠展禽已逝黔婁亦歿悠悠千古  
此恨曷極不昧者存尚顧知底淒風一哭未能洩盡  
哀臆嗚呼痛哉

維歲戊寅六月十九日己酉前嘉善大夫行原州營  
將兼討捕使松南鄭公大歸于燭峯之阡世下生昌  
寧成桓奎謹構數行文哭祭于靈柩之前曰嗚呼哀



哉昔公之在世也人莫不榮之今公之歿世也人莫  
不哀之其榮之也非他以其功存國家澤及生民也  
其哀之也非他以其鄉無長德國失干城也然則公  
之生死實關時運之盛衰而人之所以榮之哀之也  
亦爲世道而然非一人一己之私則公之生之死之  
也其諸異乎人之生之死之也歟嗚呼哀哉

維歲次己卯六月乙卯朔九日癸亥生等鄭鍾轍李  
炳文洪鍾彥金河述金勳錫金在穆鄭弘燾金在兩  
敢昭告于前營將松南鄭公之靈嗚呼尊公在世文  
有德望早得榮達京鄉皆仰位至中軍壽登隆耄壽

友家範德義名實生等先君於公德同睟日作禊心  
志又通蘭春菊秋互相肩隨風流威儀傾動一時生  
等罪逆禍延先君相先棄世惟公在云各家祭奠公  
必指揮況其躬祭一一無違今既沒兮音容莫致賢  
胤肖孫家聲不墜奄及祥期生等敢忘畧設菲薄奠  
文一張言有不盡忱何能極靈既不昧庶幾來格嗚  
呼尚饗

輓章

族姪 休三

存心守約不違天施惠八旬有七年憂國願豐開本  
志教人由道慕先賢德高位重渾如夢雲白山青便



化仙司命旗揚行次急子孫攀號哭靈筵

族弟 景源

吾家中興在於公當世功名聞我東生前事業潯陽  
菊身後精靈雷首風飲水餐霞何所願就仁處義得  
從容英雄豪傑皆難免一抔青山宿草空

族弟 普源

兄征弟邁每欣然門事謀成八十年大別今朝灑我  
淚也應流去入黃泉

茂松庾聖泰

早年事業付功名營鎮治民冰蘖聲義氣堂堂休退

日六華亭古向山城

安東權寧玉

百里吾鄉挺出公  
早而榮貴晚而竊胡爲氣數能如  
此休戚平生與國同

踏海入山終不得  
伴狂被酒對人哭  
如今史筆有公  
論可載東邦節義錄

全州李殷聲

先朝榮貴松南令  
前夜上天仙  
吏人款款德音尚在  
耳溫溫風味早書紳  
牋燒魂招難送  
日芝焚蕙欺不  
忘辰嗟吾鷄絮行  
猶晚臨楮感傷倍似新



卷之二

光山金箕馥

與世浮沉九十載兼全五福養閑身心上風雲同際  
會曾中兵甲抱經綸壯氣曾揚原鎮月浩歌今寂茂  
松春長宵大夢何時覺訴彼蒼天玉帝宸

族姪 休聲

長沙淑氣降精神遐福無疆享九旬榮懸金玉天恩  
重謨翼詩書世業新才華德實生平日子葉孫枝次  
第春逝彼泉臺薤露冷追思宗誼淚盈巾

族姪 休暢

吾鄉達德九旬老古國遺臣二品官蒿里一聲動百

里會葬無不舊衣冠

光山金在駿

松南長老好爲仁仁壽之言果是真垂世芳名三印  
大纓亭和氣六華新人間事業了前日天上仙緣重  
此辰永隔音容無問處聲聲薤露淚添巾

昌寧成桓奎

曰壽曰仁兼考終功成勇退孰如翁在天在地爲星  
嶽憂國憂家盡孝忠了債人間無復恨遺芳身後有  
何忤鄉邦長老從今逝嗟我餘生淚不窮

茂松庾允鳳



孝親忠國有公賢事業平生不愧天富貴鶯花春似  
夢退休鶴髮處如仙流芳百世無餘憾達極三尊執  
重權鯨鰲驚駭嗟未挽那堪揮涕拜靈筵

族弟 淳源

無對我公齒德尊春風笑語座生溫歸來縱享遐方  
樂優渥何忌故國恩已矣今成千古訣嗚呼永喪一  
家藩數郡士子爭相挽薤露悲歌日欲昏

河陰奉宅奎

享年九十絕人事可惜風流豪邁身重任當時南北  
鎮悲歌昔日洛東濱蓮洞華心占此地燭臺明氣待

令辰旌先蓋後青山路士友挽歸競有真

族姪 柱軒

大德從知亢壽得康寧白髮九旬秋奉親當日喜毛  
檄隱跡暮年棹范舟餘生靡逮瞻山斗昨夜遽然失  
海籌自此吾門安所仰漣涕淚滿衣流

光山金在正

稟性溫和不氣貌仁慈用心活潑接人圓滿早歲榮名  
風動南江晚暮至樂頤養德林令子令孫滿膝無瑕  
歸卧泉臺安眠無憂

咸平李休善



身出長沙得武邊虎科品級備宣傳營將郡守通何  
歲補察宰邑度幾年六棣芳華精吐地九旬混枕夢  
飛天丹旌飄日哀聲極邱北空山吊杜陽

綿城朴桓采

清儀顧德稟生天百里松沙第一賢早管武威鎮海  
邑晚持靖節樂林泉衣斑堂下七旬戲華韓亭前六  
棣連奄棄人間多少事玉樓高處伴羣仙

慶州金康喜

惟公間氣生終老漢陽城居家傳世業莅官得民情  
奄忽歸冥府悵悵望玉京薤歌淒雨濕士女淚河傾

長興高元柱

松老行年期百歲八旬享壽是胡然公道無何生死  
地尊靈如在陟降前君恩未了先時報家範猶宜永  
世傳輶歌一曲催歸路此去泉臺幾里連

甘德 洞中

望重山斗卓居師表於君於親盡忠竭孝六棣之華  
門闕生色二樹之寶受厥榮貴一朝駕鶴胡爲早速  
後學不幸士林寂寞學之淵源有誰承繼鄉黨間巷  
莫不感泣哀此生等生並一坊敢將薄奠伏慰尊靈  
不昧者存庶幾明鑑



族弟 升源

茂南淑氣我公生九十塵緣復玉京百里分憂治績  
偉急流勇退見幾明嗚呼是日音容閔不幸吾門砥  
柱傾病未問牀葬未緇敢將數句洩衷情

族孫 祥默

聲聞七十古來稀百歲古稀今亦稀後生多感先生  
德況又三尊萬古稀

方築 洞中

一自我公乘化後德林山色爲之輕九原漠漠終難

作輓哭薤歌數郡傾

密陽朴岷鎬

在世範儀雅且閑玉京仙子降人間  
後來籌策那從問此去音容不復還  
洛下應多司馬淚蜀中難覩卧龍顏  
斜陽竚立丹旌路忍聽薤歌上碧山



松南遺稿附錄卷之一

松南遺稿附錄卷之一

松南遺稿附錄卷之二

伯父松南府君家狀

府君諱明源字子仲松南其別號也我鄭籍晉州遠祖諱藝麗朝平章事諡英節後有諱時陽文科官至大提學又拜平章事辭不就築一室于東溪松下因號松巖以寓歲寒之節是生諱裕號學堂官至侍中生諱守均官至左贊成諡文忠三傳諱安社號竹坡文科官至密直事諡忠務封菁川君生諱需文科官至大提學封晉陽府院君諡文英三傳諱乙輔文科官至都僉議贊成藝文提學號勉齋諡文良三傳諱



璜謚忠莊官平章事封晉陽君知國政將亂累徵不起以議諡事忤 旨謫靈光子孫仍居咸平生諱咸

道我

定廟朝出宰咸從縣三子維綿紬皆爲縣宰

嘗於壽親之宴四父子并掛四印於月岳里槐亭名

稱四印亭二傳諱繼童

世宗朝官至左贊成卽縣

監綿之孫二傳諱億

中廟朝錄原從勳是生部將

諱宗堯水軍節制使諱宗舜副司直諱宗禹禦侮將

軍諱宗文而節制公始居茂長寔府君之十一世四

傳諱維周官至副護軍以文學著于世三傳諱萬壽

以孝行累登薦剡

贈童蒙教官於府君爲高祖也

曾祖諱亨錫司僕寺正祖諱宅奎戶曹叅議考諱鍾  
翊戶曹叅判皆以府君之貴 贈也妣 贈貞夫

人竹山安氏諱衡鑑女早卒无育繼妣 贈貞夫人

長與高氏諱廷周文嬭德克賢生六丈夫男公序居  
最長以 哲宗壬子六月十五日生公于茂長郡大

山面梅山里第儀形端雅氣宇豪邁不事生產作業  
受學于族兄小蠹先生河源之門累蒙需世公輔之  
稱年幾弱冠負才氣倜儻而家貧親老常有藜藿之  
供未繼甘旨之歎乃喟然投班生之筆棄終軍之綬  
一舉以歲 高宗甲戌大闡高第寶輿忠於國親



於家之一段衷曲也平生之志不在於溫飽矣自是  
勤於王事庚辰初命拜效力副尉宣傳官外除赦文  
使而還奏民間疾苦辛巳內除宣慰將軍叅上宣傳  
官五月拜禦侮將軍行訓鍊院主簿八月陞訓鍊院  
判官兼僉正壬午除通訓大夫行義禁府都事時崔  
進士和植被譴配海島公拿以往還道無貽弊驛民  
稱頌丙戌正月遭內艱哀禮並摯鄉鄰感泣風樹餘  
恨尚切于中自矢終養而戊子十一月復遭外艱哀  
毀罔極終三年如袒括之日友于諸弟磨臆交頰不  
欲相離蓋公孝友之至情天性然也閔忠正涿煥慕

公行義交誼轉密止好尤篤壬辰薦以國士拜慶尚  
右道節制使莅官未踰三月邊籌無事軍民大化有  
去思碑其碑文畧曰政平弊革惠我士民制足防秋  
治脚陽春爲國楨幹善此簡人峴石載德千載尚新  
於此可想見公之當時治績也且晉是先業所在故  
進謁先墓後捐俸買土納祭田三斗落於文良公墓  
所此誠仁人孝子追遠報本之彝性也癸巳移拜江  
原道原州中軍兼折衝將軍都討捕使又兼本判官  
績最於州郡時關東列邑羣盜大熾金剛山中有桀  
奴一漢名晏釋者力兼百夫聚衆數百爲綠林之酋



魁所過州邑閭里無不侵暴朝廷深以爲憂命公以  
掃清之公到營後戒嚴有條捕獲有術不幾月殲厥  
巨魁悉召殘黨賜酒食以慰諭之曰天之生民本性  
皆善汝輩亦天民也何故獨爲綠林耶改過歸家各  
安農桑永爲良民而無作惡名因以泣下彼輩皆叩  
頭感恩而歸相戒爲善盜牛者化爲守刀櫟上者化  
爲君子民皆安堵一境歌之曰古有召父杜母今有  
鄭侯云朝廷聞而嘉之特陞從二品嘉善追榮三世  
焉又有京豪沈某者藉行威焰以其原州所在先出  
丘木偷失之由怒於附近洞民侵漁百端民莫能保

公不避豪權嚴防其弊使民各安其業且歲值饑荒  
資商民轉貿他郡之米穀糴於本郡而相恤以濟閭  
境之民無一不被其澤者而輿頌菴興自巡營至有  
詳明有餘撫恤居先之隆褒於此亦可見神明之治  
則直乙操矣時西瀾滔天邪說亂真自 上特降斥  
邪綸音公奉命而下嚴立約束諭以陰陽邪正之道  
噫彼淫邪之徒聞風自散一省賴安乙未命全羅南  
道中大將而嗚呼王章幾墜有髮赴任之論公喟  
然歎曰全生全歸萬古不易之聖訓也吾豈敢毀髮  
變形苟貪利祿乎遂稱病不就癸卯 高宗皇帝春



秋富盛依

英宗大王舊例八耆老社建

聖壽殿

于順天郡而特下敕敦公以監董官差下奉行教是而竣功後除有順天郡守之命公以世道日變

辭不赴退歸于梓鄉日與兄弟六人湛樂怡怡壙唱

簾和不知老之將至構一亭於家後松林間需楣曰

六華亭蓋取昆季六人之義也其原韻曰四時春色

六華新形則雖分同氣人既有其名兼實行願無相

學樂六真墳篋共和枕衾席鴻鴈連飛南北隣自愧

此身居長伯晚年棲息頓忘塵于時公乙第二弟官

源登司馬卽不肖之先考也其次並寢郎一門玉園

欄衫並美聯彩列坐亭上時人莫不榮之曰雖古之  
畫錦堂無以過此矣青蛇之友閔輔國泳煥上疏廷  
諍而公亦同心協贊并爲席藁待命毅然其志少不  
阻喪嗚呼不能使天日回光而閔公決義殉國時耶  
運耶公乃掛巾于宮門退還于鄉第日夜痛哭有我  
安適歸之歎於是淡遯於牟陽清溪山中先林之下  
漁樵爲樂麋鹿爲友而邁軻東陵既後邵侯之迹岸  
巾北窓不詳徵士之名嘗有詩曰我侬山中客白雲  
淺處安望美天愈遠玉樓不勝寒於此尤可見公之  
滿腔子都是忠義也然則忠正公之殉節松南公之



隱遯迹雖異而義則同豈非夫子所稱殷有三仁者耶戊午 高宗奄忽賓天公登家後山掃地爲壇望

北舉哀淚如懸泉夜以繼日遽經因山猶爲不撤治  
隱之歸隱於不二湛齋之痛哭於卯山亦可謂前後  
同一規也自是足跡竟不出於山門而惟以慕先敦  
宗爲畢生計其於大小宗中之事靡不殫誠矣歲成  
寅春偶得无妄之疾子孫請進刀圭公揮手却之曰  
吾今年近九十壽已足矣且今日何日仁人志士生  
辱死榮之時也殿屎數朔竟以六月十日考終于正  
寢享年八十七前期一夕居家人戒之曰吾今天命

盡矣汝曹惟以忠孝耕讀爲業勿墜家聲則吾當含笑入地矣於此可見公之得正而斃也訃車所到宗族咸曰宗中著龜公矣鄉黨皆曰鄉之長德國之忠良逝矣是月十九日葬于郡之南燭臺峯下蓮池洞考墓下卯坐之原執紼挽歌者殆至百餘配貞夫人咸陽朴氏在弼女四德兼全生于 憲宗己酉卒于高宗乙亥六月十一日葬于德林里後麓以宅兆不利改葬合兆舉二男長曰休映武科官至司果娶商山金氏監役昌鍾女早卒繼娶晉州姜氏列會文次曰休豐成均進士娶商山金氏基洛女休映男曰桂



煥金氏出圭渙泰煥密陽朴均益信川康鳳柱妻姜氏出休豐有四女無子取從子圭煥子之利川徐漢植慶州金鎮淑仁同張殷教延安金鍾韻女婿也圭煥娶晉州姜氏太會女圭煥娶羅州林氏議官廷圭女出系叔父泰煥娶昌寧曹氏惠承女曾玄不盡錄嗚呼以公才德之美孝友之行雖僻處遐陬而九臯之音自聞于天至於位登二品豈非天爵修而人爵自至者耶公立身揚名入爲孝慈之孫居官盡職出爲忠良之臣而及其世變日下只幾遐舉入山肥遯咬菜飲水甘於梁肉茅屋華戶不蔽風雨人所不堪

而處之裕如其於進而兼善窮而獨善之道可謂兩全而古所謂急流勇退者非公而誰或曰以公之早年榮貴何不謀良田華屋而晚年食貧至於如此乎此乃知公之淺者也方公之筮仕數十年歷典內外之職何欲不遂何求不得而惟以盡忠補袞澤被生民爲畢生事而不以溫飽爲計也是以身雖窮餓而令聞益著烏可以時人之尸位竊祿者同日語哉日從兄司果公白首曳衰屬余以狀德之文竊惟公之在世視余猶子今日從伯之責卽余之責也茲敢不揆文拙畧述其平日耳濡目染者以詔于後而只恐



義庄之不八范狀也至於潤色恭俟後日秉筆君子  
云爾 歲庚辰三月日從子枋珪謹再拜書

松南遺稿跋

余自咸童時嘗拜公于衆中固知其寬大長者而歎  
后公又累枉于樊廬益知公之前後履歷今又讀其  
遺文又益知公平生大志不在一身之溫飽而在乎  
憂時憂國則余之知公或可謂不後於人耶公自少  
恢廓有大度不事居鄉生產而嘗讀書家塾幡然投  
起曰男子初生弧矢以射以有四方之志也安能區  
區從事於殘編敗冊之間乎遂以韎帶出身累典內  
外之職皆有冰蘖聲及其兵馬于南鎮討捕于北營  
身居閫外手握兵權何求不得得欲不遂而耿耿一



念惟在乎盡忠補袞澤及生民而至於喫着之溫飽  
少無動念也及其時事日非投綬賦歸其視世間青  
紫如脫屣而嘉遯于清溪山中先壙下木食澗飲處  
之晏如怡圃鋤菜樂而忘塵觀於所著歸休山中客  
誰知心事寧如昨紅塵事居然一夢醒之句可見公  
之平生志節盡在於此而世之以榮貴稱公者淺之  
爲知公也嗚呼今距公歿遽經十星霜其所著詩若  
文總若干言而又有當時諸賢之爲公入山序若記  
合爲一寫不可泯滅故其從孫鳳煥君寶尸其事將  
付手民而余亦忝在監印要置一言于卷尾畧述所

感如右云爾

歲丁亥仲春既望昌寧成桓奎謹識



松南遺稿跋

